

N – Trail Engiadina Bassa – Scuol

Lessan Ellas/Els scuvrir temas interessants in connex culla dürabilità a Scuol ed intuorn Scuol?

Lura pudessan Ellas/Els inchaminar l'N-Trail Scuol e provar da schoglier las ingiavineras zoppadas.

L'N-Trail furnischa infuormaziuns interessantas a regard temas da biodiversità, protecziun dal clima, consüm respunsabel, temas istorics-culturalis da la regiun e sur dal ingaschamaint social e quai in fuorma dad ingiavineras.

Cur cha las ingiavineras sun scholtas daja tips e remarchas praticas co cha minchüna/minchün po far concret alch pel clima, per l'ambient ed insomma per nossa società. Implü as survegna ün pitschen premi davo avair scholt tuot las ingiavineras.

Il prüm Trail a Scuol – cun quatter posts - es pel mumaint illa fasa da prouva. Oters posts seguan. Ulteriuras infuormaziuns ed üna charta culla survista dals posts e ls trails as chatta quia: [N-Trail Scuol](#)

Obain cun scannar il code QR:



Per l'N-Trail nu faja dabsögn ni da cugnuschentschas da basa, ni d'ün equipamaint special, i basta d'avair ün telefonin cun monitor tactil (Smartphone) o ün tablet chi'd es abel da dovrar l'internet per scannar ils codes QR dals posts e per schoglier las ingiavineras. Quà chi's survain ün pitschen premi schi's schoglia tuot las ingiavineras, as douvra amo ün rispli (üna culur o ün culli) ed il fögl da soluziuns. Quel as rechatta sülla pagina d'internet da l'N-Trail.

N-Trail es gratuit. Ils posts as drizzan a tuot quellas e quels chi han interess per natüra, cultura e per temas a regard la dürabilità. N-Trail spordscha infuormaziuns interessantas per famiglias, gruppas, personas singulas, indigens e giasts.